

Komisija za pripremanje prijedloga za izbor saradnika u zvanje viši asistent na naučnu oblast „Telekomunikacije“, u sastavu:

dr. sc. Alen Begović, vanredni profesor Univerziteta u Sarajevu – Elektrotehnički fakultet, oblast: „Telekomunikacije“ – predsjednik;

dr. sc. Miralem Mehić, vanredni profesor Univerziteta u Sarajevu – Elektrotehnički fakultet, oblast: „Telekomunikacije“ – član;

dr. sc. Darijo Raca, docent Univerziteta u Sarajevu – Elektrotehnički fakultet, oblast: „Telekomunikacije“ – član;

VIJEĆU ELEKTROTEHNIČKOG FAKULTETA

Odlukom Vijeća Univerziteta u Sarajevu – Elektrotehnički fakultet, broj: 01-2010/24, od 03.06.2024. (u daljem tekstu: Odluka), u alineji I, imenovani smo u Komisiju za pripremanje prijedloga za izbor saradnika u zvanje viši asistent - jedan izvršilac na naučnu oblast „Telekomunikacije“ na Univerzitet u Sarajevu – Elektrotehnički fakultet. Na osnovu alineje III Odluke, Komisija podnosi

IZVJEŠTAJ

Na Konkurs za izbor akademskog osoblja objavljen 03.05.2024. u dnevnom listu „Dnevni avaz“, na web stranici Univerziteta u Sarajevu i na web stranici Univerziteta u Sarajevu – Elektrotehnički fakultet (u daljem tekstu: Konkurs), u propisanom roku su se prijavila jedna kandidatkinja:

- Meliha Altoka, magistar elektrotehnike – diplomirani inženjer elektrotehnike, Odsjek telekomunikacije (u daljem tekstu: kandidatkinja).

Prijava na Konkurs zavedena je pod brojem: 01-1735/24 od 17.05.2024.

Uvidom u Potvrdu broj: 01-1763/24 od 20.05.2024, izdane od nadležne stručne službe, utvrđeno je da je kandidatkinja blagovremeno predala prijavu na Konkurs. Navedena potvrda čini sastavni dio ovog Izvještaja.

Uvidom u Potvrdu broj: 09-2187/24 od 14.06.2024, izdane od nadležne stručne službe, utvrđeno je da je pristigla prijava potpuna i uredna, u skladu s uvjetima Konkursa. Navedena potvrda čini sastavni dio ovog Izvještaja.

A. PODACI O KANDIDATKINJI

a) Biografski podaci

Kandidatkinja Meliha Altoka, rođena Dulić (u daljem tekstu: kandidatkinja) je rođena [REDACTED] Navedeno je u biografiji kandidatkinje da je srednje obrazovanje je stekla u Trećoj gimnaziji u Sarajevu 2008.

b) Obrazovanje

Kandidatkinja je pohađala i uspješno okončala visoko obrazovanje i stekla zvanja:

- bakalaureat/bachelor – Inženjer elektrotehnike, odsjek telekomunikacije;
- magistar elektrotehnike – diplomirani inženjer elektrotehnike, odsjek telekomunikacije;

Uvidom u ovjerenu kopiju Diplome o stečenoj akademskoj tituli broj: 451/2011, izdane 22.10.2011. od strane Univerziteta u Sarajevu – Elektrotehnički fakultet i ovjerenoj kopiji Dodatka diplomi, utvrđeno je da je kandidatkinja završila prvi ciklus studija u trajanju od šest semestara (180 ECTS kredita) i ostvarila prosječnu ocjenu 8,18.

Uvidom u ovjerenu kopiju Diplome o stečenoj akademskoj tituli broj: 371/2013, izdane 09.11.2013. od strane Univerziteta u Sarajevu – Elektrotehnički fakultet i ovjerenoj kopiji Dodatka diplomi, utvrđeno je da je kandidatkinja završila drugi ciklus studija u trajanju od četiri semestara (120 ECTS kredita) i ostvarila prosječnu ocjenu 8,63.

c) Radno iskustvo

Navedeno je u biografiji kandidatkinje radno iskustvo:

- 09/2018 – danas: Viši asistent na Elektrotehničkom fakultetu Univerziteta u Sarajevu, na Odsjeku za telekomunikacije (predmeti: Osnove elektrotehnike, Vjerovatnoća i statistika, Teorija elektromagnetnih polja, Telekomunikacijske tehnike 1, Osnove računarskih mreža, Mjerenja u telekomunikacijama, Komunikacijski protokoli i mreže, Poslovni modeli u telekomunikacijama, Napredni telekomunikacijski protokoli i mreže nove generacije);
- 2016 – 2020: Vijećnik u OV Hadžići;
- 2015 – danas: Nezavisni Oriflame direktor/lider;
- 09/2014 – 09/2018: Asistent na Elektrotehničkom fakultetu Univerziteta u Sarajevu, na Odsjeku za telekomunikacije (predmeti: Osnove elektrotehnike, Vjerovatnoća i statistika, Električni krugovi 1, Teorija elektromagnetnih polja, Osnove računarskih mreža, Mjerenja u telekomunikacijama, Komunikacijski protokoli i mreže, Tehnologije televizije, Poslovni modeli u telekomunikacijama, Sistemi i servisi mobilnih telekomunikacija);
- 06/2013 – 06/2014: Volonter u sektoru za radio monitoring. Regulatorna agencija za komunikacije BiH (analiza izvještaja o izloženosti elektromagnetnom zračenju baznih stanica, te unos istih u bazu podataka, analiza ITU standarda i preporuka; Regulatorna agencija za komunikacije BiH, Sektor za upravljanje spektrom).

d) Naučna djelatnost – objavljeni radovi

Profil kandidatkinje na pretraživaču Google Scholar sadrži sljedeće članke:

- M. Hadžialić, J. Mušović, M. Hamza, M. Milišić, K. Huseinović, J. Dizdarević, M. Altoka, TV White Space: Solution for bridging the gap between user's demand and the network capacities, 22nd Telecommunications Forum Telfor (TELFOR), November 2014;
- M. Hadžialić, J. Mušović, M. Hamza, M. Milišić, J. Dizdarević, M. Altoka, M. Škrbić, Modern Spectrum Management: Survey of 3G network traffic in Bosnia and Herzegovina, X International Symposium on Telecommunications – BIHTEL 2014;

- K. Huseinović, M. Dulić, J. Mušović, Business Models Analysis for Multiplex Operators in the Process of Digitization, The Eighth International Conference on Digital Society ICDS 2014.

e) Istraživački i stručni razvojni projekti

Navedeno je u biografiji kandidatkinje sudjelovanje u sljedećim projektima:

- 2014: SEE TV-WEB, IPA projekat u okviru South-East Europe programa sufinanciranog od strane Evropskog regionalnog fonda za razvoj, Univerzitet u Sarajevu – Elektrotehnički fakultet, istraživač na projektu;
- 2014: Modernizacija upravljanja nacionalnim resursima: upravljanje radio spektrom za bežične mreže nove generacije (LTE – Long Term Evolution, CR – cognitive radio), projekt financiran od Federalnog ministarstva obrazovanja i nauke, mlađi istraživač.

f) Stručne kompetencije

Navedene su u biografiji kandidatkinje sljedeće kompetencije:

- posjedovanje sertifikata Cisco Network Academy – CCNA;
- odlično vladanje Microsoft Office alatima;
- MATLAB/Simulink – stečeno kroz vježbe na fakultetu i projekte;
- osnove C/C++ programskih jezika;
- Cisco Packet Tracer;
- NS2 simulator;
- rad na Windows i Linux operativnim sistemima;

Navedeni su u biografiji kandidatkinje dobre komunikacijske i prezentacijske vještine, dobre organizacijske vještine, spremnost za timski rad i prilagodljivost radu u različitim uvjetima.

g) Nastavno-pedagoški rad

Uvidom u Potvrdu broj: 02-1688-1/24 od 14.05.2024, izdanoj od Univerziteta u Sarajevu – Elektrotehnički fakultet, utvrđeno je da je kandidatkinja od 29.10.2014. do 29.10.2018. provela jedan izborni period u zvanju asistent.

h) Strani jezici

Navedeno je u biografiji kandidatkinje znanje stranih jezika::

- engleski jezik: razumijevanje B2-C1, govor B2-B2, pisanje C1;
- njemački jezik: razumijevanje A1, govor A1, pisanje A1.

Osvrt na kvalifikacije kandidatkinje:

Komisija konstatira da kandidatkinja ispunjava uvjete propisane Konkursom. Kandidatkinja ima potreban stupanj obrazovanja, odnosno završen drugi ciklus studija (ukupno 300 ECTS kredita) iz oblasti Konkursa. Kandidatkinja ima prosječnu ocjenu višu od 8,00 na oba završena ciklusa studija. Kandidatkinja ima i potrebno iskustvo na saradničkim poslovima. Pored ovih minimalnih uvjeta kandidatkinja ima i objavljene radove, a sudjelovala je i u realizaciji istraživačkih projekata iz oblasti Konkursa.

B. PRIJEDLOG SA OBRAZLOŽENJEM

Komisija se u procesu pripremanja prijedloga referencirala na:

1. Relevantnu odredbu Zakona o visokom obrazovanju Kantona Sarajevo, (Službene novine Kantona Sarajevo, broj: 36/22, u daljem tekstu: Zakon):
 - Član 112. (Uslovi za izbor u akademska zvanja), stav (2). *Minimalni uslovi za izbor u naučno-nastavna zvanja su: tačka b) viši asistent: završen drugi ciklus studija ili njegov ekvivalent s najmanje 300 ECTS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8;*
 - Član 119. (Izbor člana akademskog osoblja), stav 1: "Član akademskog osoblja se bira za naučnu/umjetničku oblast ili za nastavni predmet odnosno grupu nastavnih predmeta u okviru naučne/umjetničke oblasti. Broj naučnih/umjetničkih oblasti za koje se može izvršiti izbor člana akademskog osoblja utvrđuje se statutom visokoškolske ustanove".
2. Relevantnu odredbu Statuta Univerziteta u Sarajevu broj: 01-14-35-1/23 od 26.07.2023 (u daljem tekstu: Statut):
 - Član 224. *Član akademskog osoblja bira se na jednu naučnu/umjetničku granu unutar naučnog/umjetničkog polja;*
3. Dosadašnju pozitivnu praksu na Univerzitetu u Sarajevu –Elektrotehnički fakultet provedbe procedure izbora u akademska zvanja.

Na osnovu važećih odredbi Zakona i Statuta, te činjenica utvrđenih uvidom u dokumentaciju priloženu uz prijavu na Konkurs, Komisija je mišljenja da prijavljena kandidatkinja ispunjava uvjete za izbor u akademsko zvanje viši asistent, jer:

- posjeduje potrebno obrazovanje, stepen drugog ciklusa (magisterij), na visokoškolskoj ustanovi iz oblasti telekomunikacija;
- posjeduje potrebno iskustvo u saradničkim poslovima;
- ima prosječnu ocjenu iznad osam na oba ciklusa studija;
- ima i radove objavljene u relevantnim publikacijama;
- sudjelovala je u realizaciji projekata iz oblasti u koju se bira.

Na osnovu izloženog, Komisija jednoglasno predlaže Vijeću Univerziteta u Sarajevu – Elektrotehnički fakultet se kandidatkinja:

Meliha Altoka, magistar elektrotehnike – diplomirani inženjer elektrotehnike,

izabere u akademsko zvanje viši asistent, naučna oblast „Telekomunikacije“ u radni odnos s punim radnim vremenom, na period propisan Zakonom.

KOMISIJA

vanr.prof.dr.sc. Alen Begović, predsjednik



.....

vanr.prof.dr.sc. Miralem Mehić, član



.....

doc.dr.sc. Darijo Raca, član



.....

